

*sunt, maxime qui laborant in verbo.* Quidam præstabant Ecclesie suam operam docendo ac publice concionando, tanquam ordinarii ministri verbi. *Act. XIII, v. 23.* Ubi Apostoli per singulas ecclesias constituunt presbyteros *Tit. I, v. 15. Jac. V, v. 14.* Quidam erant ἡγούμενοι, qui una cum Doctores Ecclesiam gubernabant & curam doctrinae ac religionis habebant. De quibus *Act. XVI, v. 2. 1. Timoth. V, v. 17. D. Hunnius in enarrat. 1. Tim. V. pag. 197. Tremell. in not. ad Ep. 1. Timoth. V, v. 17. lit. u. D. Chemnitius in exam. Concil. Trident. de sacram. Ordin. cap. 2. pag. m. 261.* Communiter in Ecclesia dicuntur Presbyteri, Doctores, Pastores; Presbyteri vero in Ecclesia catholica Episcopi. Paulus ecclesie Ephesinae Presbyteros vocat Episcopos *Act. XX, 28.* Episcoporum nomine Presbyteros intelligit *Phil. I, v. 1.* Quas virtutes in Episcopo requirit, easdem in Presbyteris spectandas esse docet. *1. Timoth. III, v. 1.* Titus in Creta constituere debet Presbyteros *Tit. I, v. 5.* quos ipsos *v. 7.* vocat Episcopos. Falso ergo *Lessius confid. 9. rat. 2.* interpretatur cœtum episcoporum, Presbyterium. Idem *Bellarmin. lib. 4. de not. Eccles. cap. 8. D. Nicol. Hunnius de Romanae Ecclesie Apostasia §. 112. pag. 147. sq. §. 757. pag. 1282. sq.* Ita *2. Timoth. I, v. 6.* Paulus scribebat: *admoneo te, ut exsuscites gratiam DEI, qua in te est per impositionem manuum mearum.* Ita Paulus se Presbyterio non excludit, licet Episcopali fruere dignitate: nam Apostolatus est Episcopatus *Act. I, v. 20. D. Balduin. in comment. ad 1. Timoth. IV. pag. 290. Hieronymus ad cap. I. ep. ad Tit. p. 5. ut est in Jure canonic. dist. 95. cap. 5.* Ita scribit: *olim idem erat Presbyter, qui & Episcopus. Et antequam Diaboli instinctu, studia in religione fierent & diceretur in populis, ego sum Pauli, ego Apollo, ego autem Cepha, communi presbyterorum concilio Ecclesie gubernabantur. Postquam vero unusquisque eos, quos baptizaverat, suos putabat esse, non Christi, in toto orbe decretum est, ut*

unus